



彭城陳先生集記

門人彭城魏衍撰

先生姓陳諱師道字履常一字
無已彭城人幼好學行其所知
慕古作者不為進取計也年十
六謁南豐先生曾公鞏曾大器
之遂受業于門元豐四年神宗



皇帝命曾典史事且謂脩史最難申救切至曾薦為其屬朝廷以白衣難之方復請而以憂去遂寢太學又薦其文行乞為學錄不就樞密章公惇高其義翼來見特薦于朝而終不一往元祐初翰林學士蘇公軾與侍從

列薦乃官之俾教授其鄉未幾除太學博士言事者謂先生嘗謁告詣南都見蘇公為私遂罷移潁州教授紹聖初又以餘黨罷換江州彭澤令未行丁母憂寓僧舍人不堪其貧暨外除猶不言仕者凡四年左右圖書日

以討論為務蓋其志專欲以文學名後世也元符三年除棣州教授隨除祕書省正字將用矣歿於建中靖國元年十二月之二十九日年四十九友人鄒公浩買棺以殮朝廷特賜絹二百匹嘗與往來者共賻之然後得

歸初先生學於曾公譽望甚偉及見豫章黃公庭堅詩愛不捨手卒後其學黃亦不讓士或謂先生過之惟自謂不及也先生既歿其子豐登以全藁授衍曰先實知子子為編次而狀其行衍既狀其行矣親錄藏於家者

今十三年顧未敢當也衍嘗謂
唐韓愈文冠當代其傳門人李
漢所編衍從先生學者七年所
得為多今又受其所遺甲乙丙
藁皆先生親筆合而校之得古
律詩四百六十五篇文一百四
十篇詩曰五七雜以古律文曰
千百不分類衍今離詩為六卷
類文為十四卷次皆從舊合二
十卷目錄一卷又手書之竊惟
先生之文簡重典雅法度謹嚴
詩語精妙蓋未嘗無謂而作其
志意行事班班見於其中小不
逮意則棄去故家之所留者止

此昔漢楊雄作太玄法言箴賦如劉歆號知文始敬之後而短毀謂其必傳者桓譚一人而已先生之文蚤見稱於曾蘇二公世人好之者猶以二公故也今賢士大夫競收藏之則其傳也奚待於衍耶後豈不有得手寫

故本以證其誤者則不肖之名因附茲以不朽為幸焉其闕方求而補諸又有解洪範相表闡微彰善詩話叢談各自為集云政和五年十月六日謹記

建中靖國辛巳之冬雲別涪翁於荊州翁曰陳無已天下

士也其讀書如禹之治水知天下之脈絡有開有塞至于九川滌源四海會同者也其論事救首救尾如常山之蛇其作文深知古人之關鍵其作詩深得老杜之句法今之詩人不能當也子有意學問

不可不往掃斯人之門雲再拜受教明年春至京賢士大夫出涕相弔曰無已亡矣雲驚歎失聲痛恨無窮泊來彭城求先生詩文且四年僅見一二最後得昌世所集凡六百五篇琮璜玕瑀貫列大備

雲曰幸矣至寶不歿乃今有
獲因記涪翁之語錄以示昌
世自昔名世之士著書立言
必賴其徒傳之文中子講道
河汾以續六經房魏之倫皆
北面受業及登廊廟不能顯
傳其書卒以泯絕論者至今

惜之昌世先生之高第操行
文章雅善先生之風雖隱約
布韋而所立絕人不苟徇合
故能蒐拾遺文成一家之言
又序先生出處之大節其辭
蔚然讀之使人凜凜增慕然
先生之道必傳於後世者昌

世之力也千載之下可以知其賢矣政和丙申正月甲午元城王雲題

讀後山詩大似叅曹洞禪不犯正位切忌死語非冥搜旁引莫窺其用意深處此詩註所以作也近時刊本參錯繆

誤政和中王雲予飛得後山門人魏衍親授本編次有序歲月可考今悉據依略加緒正詩止六卷益以注卷各釐為上下作之有謂而存之可傳無恠夫詩之少也衍字昌世作後山集記頗能道其出

後山先生集目錄
卷第一
詩七十八首
卷第二
詩二十六首
卷第三
詩一百一十首
卷第四
詩七十二首
卷第五
詩八十一首

慶今置之篇首後有學者得
以覽觀焉天社任淵書

卷第六

詩九十三首

卷第七

詩四十一首

卷第八

詩三十八首

卷第九

詩四十首

卷第十

詩三十九首

卷第十一

詩四十四首

卷第十二

詩一十七首

卷第十三

序九篇

卷第十四

書三十七通

卷第十五

記一十五篇

卷第十六

論四道

卷第十七

策二道

策問一十八首

卷第十八

表一十三通

啓一十三通

祭文七道

卷第十九

雜著三十六首

卷第二十

墓銘十道

墓表二道

行狀二道

神道碑一道

卷第二十一

談叢一十七條

卷第二十二

談叢四十五條

卷第二十三

談叢四十八條

卷第二十四

談叢三十五條

卷第二十五

談叢四十五條

卷第二十六

談叢四十四條

卷第二十七

理究三十七條

卷第二十八

詩話三十七條

卷第二十九

詩話四十三條

卷第三十

長短句四十九首

後山先生集目錄終

後山先生集卷第一

彭城陳

師道

履常著

茶陵陳

仁子

同甫編校

後學南陽王鴻儒懋學重校

後學彭城

馬暉廷震繡梓

詩

妾薄命二首

後山自注曰
為曾南豐作

主家十二樓一身當三千古來妾薄命事主不盡年

起舞為主壽相送南陽阡忍着主衣裳為人作春妍

有聲當徹天有淚當徹泉死者恐無知妾身長自憐

又

葉落風不起山空花自紅捐世不待老惠妾無其終
一死尚可忍百歲何當窮天地豈不寬妾身自不容
死者如有知殺身以相從向來歌舞地夜雨鳴寒螿

送外舅郭大夫槩西川提刑

丈人東南來復作西南去連年萬里別更覺貧賤苦
王事有期程親年當喜懼畏與妻子別已復迫曛暮
何者最可憐兒生未知父盜賊非人情蠻夷正狼顧
功名何用多莫作分外慮萬里早歸來九折慎馳騫
嫁女不離家生男已當戶曲逆老不侯知人公豈誤

送內

麀麀顧其子燕雀各自隨與子為夫婦五年三別離

兒女豈不懷母老妹已笄父子各從母可喜亦可悲
關河萬里道子去何當歸三歲不可道白首以為期
百畝未為多數口可無飢吞聲不敢盡欲怨當歸誰

別三子

夫婦死同穴父子貧賤離天下寧有此昔聞今見之
母前三子後孰視不得追嗟乎胡不仁使我至於斯
有女初束髮已知生離悲枕我不肯起畏我從此辭
大兒學語言拜揖未勝衣喚爺我欲去此語那可思
小兒襁褓間抱負有母慈汝哭猶在耳我懷人得知

寄外舅郭大夫

巴蜀通歸使妻孥且舊居深知報消息不忍問何如

身健何妨遠情親未肯踈功名欺老病淚盡數行書
城南寓居二首

游子莫何歸韋杜城南村秋水深可測挽衣踏行雲
道暗失歸處棲鳥故不喧牛羊閉籬落稚子猶在門

又

潭潭光明殿稽首西方僊平生脩何行步有黃金蓮
我豈昔好徑報以履下穿洗足坐道場卒卒此何緣

憶少子

端也早豐下歲晚未可量我老不自食安得如我長
呱呱棄不予退省未始忘吾母亦念我與爾寧相望

絕句

翼翼異陳州門萬里遷人道昔人死別處一笑欲絕倒

寄外舅郭大夫

丈人魯諸生明刑如臯陶幸寬右顧憂未惜一身遙
西南萬里行可以斷繩橋慎勿冠惠文神母仁如堯

贈二蘇公

岷峨之山中巴江桂椒榘檣楓柞樟青金黃玉丹砂
良獸皮鳥羽不足當異人間出駭四方嚴王陳李司
馬揚一翁二季對相望奇寶橫道驥服箱誰其識者
有歐陽大科異等固其常小却盛之白玉堂典謨雅
頌用所長度越周漢登虞唐千載之下有素玉平陳
鄭毛視荒荒後生不作諸老亡文體變化未可量萬

口一律如吃羗妖狐幻人大陸梁虎豹却走逢牛羊
上帝惠顧祓不祥天門夜下龍虎章前驅吳回後炎
皇絳旂丹轂朱冠裳從以甲冑萬鬼行乘風縱燎無
留藏天高地下日月光授公以柄扶病傷士如稻苗
待公秧臨流不度公為航如大醫王治膏肓外證已
解中尚強探囊一試黃昏湯一洗十年新學腸老生
塞口不敢嘗向來狂殺今尚狂請公別試囊中方

南豐先生挽詞二首

早棄人間事真從地下游立原無起日江漢有東流
身世從違裏功言取次休不應須禮樂始作後程仇
又

精爽回長夜衣冠出廣庭勲庸留琬琰形像付丹青
道喪餘篇翰人亡更典刑侯芭才一足白首太玄經

暑雨

密雨吹不斷貧居常閉門東溟容有限西極更能存
東濕炊懸釜翻床補壞垣倒身無着處可手不成溫

送江楚州

濠梁初得意闕里舊論詩晚歲何多難經年始一辭
淮人飢饉後良吏拊循時欲託山陽簿翁歸不受私

送江端禮

正學元非世能詩新有聲諸公文鄭泰多士閉何生
沈愛經過數移書底裏傾又為淮海別病眼向誰明

晁無咎張文潛見過

白社雙林去高軒二妙來排門衝鳥雀揮壁帶塵埃
不憚除堂費深愁載酒回功名付公等歸路在蓬萊
次韻荅邢居實二首

漢庭用少公何在不使群飛接羽翰今代貴人頭白
髮掛冠高處未宜彈

又

秋來為客意何如千里河山信不踈昔日老人今則
少不妨紅葉閉門書

丞相溫公挽詞三首

恭默思良弼詩書正百工事多違謝傳天遽奪楊公

一代風流盡三師禮數崇若無天下議美惡併成空

又

百姓歸周老三年待魯儒時方隨日化身已要人扶
玉几雖來晚明堂訖授圖心知死諸葛終不羨曹蜍

又

少學真成已中年託著書輟耕扶日月起廢極吹噓
得志寧論晚成功不願餘一為天下慟不敢愛吾廬
次韻荅學者四首

津津爽氣貫眉目十五男兒萬里身筆下倒傾三峽
水膏中別作一家春

又

黃塵投老得何郎准擬明年共我長熏沐不為杯酒
污飛揚未許老失量

又

暗中摸索不難知眼裏輪困却見稀行地徑須先八
駿刺天終不羨群飛

又

太阿無前鋒不缺鉞刀不堪供一切至柔繞指剛則
折善而藏之光奪月

次韻秦觀聽鷄聞鴈二首

行斷哀多影不留有人中夜攬衣裘筆頭細字真堪
恨眼裏長檠不解愁

又

立馬堪除待一鳴何如春夢不聞聲固知鷄口羞牛
後不待鳴群已可驚

朝秦觀

長缺歸來夜帳空衡陽回鴈耳偏聰若為借與春風
看無限珠璣咳唾中

和豫章公黃梅二首

寒裏一枝春白間千點黃道人不好色行處苦為香

又

色輕花更艷體弱香自永玉質金作裳山明風弄影

答張文潛

我貧無一錐所向皆四壁瀛洲足風露胡不減顏色
昔聞杜氏子剪髮事尊客君婦定應賢三梳奉中櫛
疾風回雨水明霞沙步叢祠欲莫鴟九日清樽欺白
髮十年為客負黃花登高懷遠心如在向老逢衰意
有加淮海少年天下士可能無地落烏紗

九日寄秦觀

巨野

餘力唐虞後沉人海岱西不應容桀黠寧復有青齊
燈火魚成市帆檣藕帶泥十年塵霧底瞥眼怪鳥驚

示三子

去遠即相忘歸近不可忍兒女已在眼眉目略不省

極喜不得語淚盡方一哂了知不是夢忽忽心未穩

烏呼行

去年米賤家賜粟百萬官倉不餘掬青錢隨賜費追
呼昔日剜瘡今補肉今年夏旱秋水生江淮轉粟千
里行不應遠水救近渴空倉四壁雀不鳴似聞為政
不為費兩不相侵兩相濟十年斂積用一朝驚濤破
山風動地

秋懷示黃預

窓鳴風歷耳道壞草侵衣月到千家靜林昏一鳥歸
冥冥塵外趣稍稍眼中稀送老須公等秋棊未解圍
送張支使

曠度逢知晚高才處下難清秋一鷄上拭目萬人看
白酒初同醉黃花已戒寒憑將衰老事一一報長安

送杜侍御純陝西轉運

餽糧千里古無策木牛流馬功不極邊頭數米換黃
金將軍汗馬未伏櫪黠羗人面作胡語鳥鼠貪生爾
如許熊虎可避螽可驅覆巢熏穴意何如漢虜相當
庸可盡聊城正用一封書巧手莫為無麵餅誰能留
渴須遠井國家有急君得辭徐人不勞扣闕請隴上
壯士莫捫舌河西狂王防係頸向來此地幾送迎草
間翁仲口不瘖十年兩熟飽可待一歲四守人何心
老稚持車車不留歸人不行行轉頭關中正須蕭丞

相省內早要富民侯

送楊侍禁兼寄顏黃二公二首

相逢今已晚同府尚經年衆口不成虎諸公更薦賢
兩親須薄祿一障欲乘邊徃問顏夫子何妨試着鞭
又

多問黃居士終年欠一書因人候消息有使報何如
向晚逢揚子真堪託後車親年方賴祿不惜借吹噓
送外舅郭大夫變路提刑

天險連三峽官曹據上游百年雙鬢白萬里一身浮
可使人無訟寧須意外憂平生晏平仲能費幾狐裘
雪後黃樓寄負山居士

林廬煙不起城郭歲將窮雲日明松雪溪山進晚風
人行圖畫裏鳥度醉吟中不盡山陰興天留憶戴公
謝人寄酒
舊香餘味記黃封厭見春泥滿眼紅千乘莫從公子
後百壺能為故人東

從蘇公登後樓

倏作三年別才堪一解頰樓孤帶清洛林缺見巴山
五月池無水千年鶴自還白鷗沒浩蕩愛惜鬢毛斑
送蘇公知杭州

平生羊荊州追送不作遠豈不畏簡書放麈誠不忍
一代不數人百年能幾見昔如馬口銜今為禁門鍵

一雨五月涼中宵大江滿風帆目力短江空歲年晚

送秦觀二首

士有從師樂諸兒却未知欲行天下獨信有俗間疑
秋入川原秀風連鼓角悲目前狔犬類未必慰親思
又

師法時難得親年富有餘端為李君御盡讀鄴侯書
結友真莫逆論才有不如折腰終不補可但曳長裾

和江秀才獻花三首

風雨東籬冷落看清溪水落玉峯寒酒家不辦當壚
費乞與先生種杏壇

又

踈花得雨數枝黃白髮綠愁百尺長要與老生同一
醉故留秋意作重陽

又

江公孤憤不宜秋吟作秋垂到白頭過我可為千日
醉從公難作百錢游

次韻李節推九日登南山

平林廣野騎臺荒山寺鳴鍾報夕陽人事自生今日
意寒花只作去年香巾欵更覺霜侵鬢語妙何妨石
作腸落木無邊江不盡此身此日更須忙

別負山居士

田園相與老此別意如何更病可無酒猶寒已自和

高名胡未賡詩興尚能多沙草東山路猶須一再過

送趙教授

束髮相看到白頭了知公鬢不勝憂可堪親老須三
釜又着儒冠忍一羞平世功名須晚節向來旬月取
封侯北州豪傑知誰健乞我黃淤十里秋

次韻春懷

欲作歸田計無如二頃何折腰方賴祿拭面未傷和
日下烏聲樂塵生鳥跡多渡頭留小楫乘興得相遇

黃梅五首

異色深宜晚生香故觸人不施千點白別作一家春
又

舊鬢千絲白新梅百葉黃留花如有待迷國更須香

又

冉冉梢頭綠婷婷花下人欲傳千里信暗折一枝春

又

黃裏含真意春容帶薄寒欲知誰稱面徧插一枝看

又

花裏重重葉釵頭點點黃祇應報春信故作着人香

田家

鷄鳴人當行犬鳴人當歸秋來公事急出處不待時
昨夜三尺雨竈下已生泥人言田家樂爾苦人得知

巨野二首

紅落芙蓉晚青深蒲稗秋平湖無過鳥鳴鼓有行舟

又

蒲港侵衣綠蓮塘亂眼紅將身供盡事結纜待回風

別叔父錄曹

為吏專文法成家託弟昆三年如昨日一笑更何言
扶老須微祿移官實至恩兩踈元父子何日復東轅

出清口

家世山東飽耕稼晚託一舟順流下漁溝寒餅不下
筋推拖轉頭更五夜平明放溜出清口霜落潮回霧
連野平淮一夢三十里有日無風神所借似憐憂患
滿人間百孔千瘡容一罅文章末技將自効語不驚

人神可赫子女玉帛君所餘寄聲白鳥煩多謝

泛淮

寒暖仍初日潮回更下風鳥飛雲水裏人語櫓聲中
平野容回顧無山會有終倚檣聊自逸吟嘯不須工

猴馬有序

楚州紫極宮有畫沐猴振索以戲馬頓索以

驚圍人不測從後鞭之人言沐猴宜馬而今

為累作詩以導馬意韓鄂四時纂要曰常繫
猴於馬坊內辟惡消

百病令馬
不着亦

沐猴自戲馬自驚圍人未解猴馬情猴其天資馬何

罪意欲防患猶傷生異類相宜亦相失同類相傷非

所及志行萬里困一誤吐豆齧麥甘伏櫪

徐氏閑軒

倦游梁楚愛吾廬老寄山林孰與娛想見杖藜臨過

鳥更能赤手縛於菟君寧平世輕三釜我亦東原有

一區擬買婢娟作歸計可無堆玉斗量珠

寄豫章公三首

密雲不雨卧烏龍已是人間第一功得諾向來輕季

子打門何日走周公

又

愧無一縷破雙團憤下薑鹽枉肺肝誓酒不應忘此

老論詩寧肯乞麗官

又

人須百斛買雙鬟水截龍章試虎斑老覺才棘渾不
稱自携雲月瀉潺湲

贈秦觀

兩秦並立難為下萬里長驅在此初別後未忘三日
語人來肯作數行書

又

文章從古不同時詩語驚人筆益奇過與阿平應絕
倒世間能有幾人知

次韻秦少游春江秋野圖

翰墨功名裏江山富貴人倏看雙鳥下已負百年身

又

江清風偃木霜落雁橫空若箇丹青裏猶須着此翁

幼嶺

外家英俊場季氏不好弄用意丘壑間頗以石自奉
誰言拳握間意作萬牛重位宗小天下不辦一席用
絕句

斫水水可斷續弦弦可完如何鄭公客不作百年看

贈歐陽叔弼

早知汝穎多能事晚以詩書託下僚大府禮容寬懶
慢故家文物尚嫖姚只將憂患供談笑敢望功言荅
聖朝歲歷四三仍此地家餘五一見今朝

後山先生集卷第一

後山先生集卷第二

彭城陳師道履常著

茶陵陳仁子同甫編校

後學南陽王鴻儒懋學重校

後學彭城馬暉廷震繡梓

詩

觀文忠公家六一堂圖書

生世何用早我已後此翁頗識門下士略已聞其風
中年見二子已復歲一終呼我過其廬所得非所蒙
先朝群玉殿冠佩環群公神文煥王度喜色見天容
御榻誰復登帝書元自工黃絹兩大字一覽涕無從

似欲託其子天意人與同歷數况有歸敢有貪天功
集古一千卷明明並群雄誰為第一手未有百世公
廟器刻科斗寶樽蟠華蟲緬懷弁服士酬獻鳴琤琮
插架一萬軸遺子以固窮素琴父絕弦棊酒頗闕供
向來一瓣香敬為曾南豐世雖嫡孫行名在惡子中
斯人日已遠千歲幸一逢吾老不可待露草濕寒葢

送蘇迨

胷中歷歷着千年筆下源源赴百川真字飄揚今有
種清談絕倒古無傳出塵解悟多為路隨世功名小
着鞭白首相逢恐無日幾時書札到林泉

送黃生蕪寄二謝

南第諸兄蚤相見別時託子以無倦百年論交見子
心一朝取別寧吾願妙歲遠遊真所難肯為得官近
長安聖作詩書端有意猶須用心科舉外

又

城西兩謝俱能文穰丞精悍吾所聞每讀吾詩得人
意使不能文已可人我昔謝公門下士早年妄作功
名意如今老寄潁河東九泉雖深愧此公

次韻蘇公西湖徙魚三首

窮秋積雨不破塊霜落西湖露沙背大魚泥蟠小魚
樂高丘覆杯水如帶魚窮不作搖尾憐公寧忍口不
忍鱠脩鱗失水玉參差晚日搖光金破碎咫尺波濤

有生死安知平陸無灘瀨此身寧供刀几用着意更
湏風雨外是間相忘不為小濠上之意誰得會枯魚
雖泣悔可及莫待西江與東海

又

赤手取魚如拾塊布網鳴舷攻腹背豈知激濁與清
流恐懼駢頭牽翠帶居士仁心到魚鳥會有微生化
餘鱸寧容網目漏吞舟誰能烹鮮作苛碎我亦江湖
釣竿手悞逐輕車從下瀨生當得意落鷗邊何用封
侯墮鳶外不如此魚今得所置身暗與神明會徑湏
作記戒鯨鯢防有任公釣東海

又

詩成落筆驥歷塊不用安西題紙背小家厚劔四壁
立拆東補西裳作帶堂下敲鯨牛何罪太山之陽人
作鱸同生異趣有如此鉗懸甍間終一碎流水長者
今公是雨花散亂投金瀨人言充庖湏此輩慈觀更
湏容度外賜墻及有人得視公才槃槃一都會有憐
其窮與不朽我亦牽聯書玉海

次韻蘇公西湖觀月聽琴并涉穎二首

清湖納明月遠覽無留雲人生亦何湏有酒與桐君
自醉寧問客一毒復一毒平生今不飲意得同酣醺
清言冰玉質壞衲山水紋殫精有後悟畜耳無前聞
潛魚避流光歸鳥投重昏信有千丈清不如一尺渾

衝風不成寒脫水還自竒坐看白日晚起行清頴湄
三穴未為得一舟不作癡路暗鳥遺音江清魚弄姿
宇定恠物變意行覺舟遲公與兩公子妙語含風漪
但怪笑談劇莫知賓主誰得句未肯吐鬱鬱見睫眉
相從能幾何行樂當及茲生忍自作難百憂間一嬉
時尋赤眼老不探黃口兒解公頭上巾一洗七年緇
至潔而納汚此水真吾師頃公曉二子人自窮非詩

再次韻蘇公示兩歐陽

公詩周魯後曳曳垂天雲府中顧長康風味如麴君
非公無此客請壽南山樽叔季大儒後偏醒亦同醺
心與栢石堅章成綺繡紋多難獨不補少慙今無聞
時無古今異智有功名昏可使百尺底不作數斗渾

次韻蘇公勸酒與詩

五士三不同煩公以詩訴強酒古所辭妙語神其吐
自念每累人舉扇無我汚復使兩歐陽縮手不分付
平生西方社努力須自度不憂龜九頭肯聽語一誤
頓悟而漸脩從此辭世故公看萬金產寧能一朝具
兩生文章家夙記鳴蟬賦請公堅城壘兵來後無數
次韻蘇公督兩歐陽詩

吟聲正可候蟲鳴酒面猶須作老兵豈有文章妨要
務孰知詩律自前生向來懷璧真成罪未必含光不
屢驚血指汗顏終縮手此懷端復向誰傾

次韻蘇公題歐陽叔弼息齋

行者悲故里居者愛吾廬生須着錐地何賴汗牛書
丈室八尺床稱子閉門居百為會有還一足不願餘
紛紛幼老間失得了玄虛客在醉則眠聽我莫問渠
論勝已絕倒句妙方愁予竹几無留塵霜畦有餘蔬
相從十五年不為食有魚時須一俛仰君可貸蘧蔭

次韻蘇公竹間亭絕句

竹裏高亭燈燭光今年復得杜襄陽
修看老蓋千年後更想霜林百尺強

寄參寥

平生西方願擺落區中緣惟於世外人相從可忘年

道人替公徒相識幾生前早作步兵語晚參雲門禪
拾策孤山下一室頗蕭然林昏出幽磬竹杪橫疎煙
昨日寄書至坐想參寥泉此泉如此公遇物作清妍
一別今幾時綠首成白顛子亦憐我老我豈要子憐
會逢萬里風一繫五湖舡酌我巖下水咽子山中篇

北渚

南蕩不可度北渚風浪生向來狐兔迹已復蛟鼉鳴

東禪

東阡急雨不成泥度密穿青取迳微邂逅無人成獨
性懸動有月與同歸

八月十日二首

一夢人間四十年只應炊竈固依然兩官不辦一丘
費五字虛隨萬里舡

又

人生七十今強半老去光陰已後身更欲置身頃世
外世間元自不關人

迎新將至漕城

早接林野遠風雨晚傍塵沙飽送迎却愧兩衙屠販
子卧聽車馬過橋聲

即事

老覺山林可避人正須麋鹿與同群却嫌鳥語猶多
事強管陰晴報客聞

齋居

青奴白牯靜相宜老罷形骸不自持一枕兩窓深閉
閣卧聽叢竹雨來時

中秋夜東剎贈仁公

盈盈秋月不餘分葉露懸光可數塵此地正須煩一
笑要令排戶問東隣

十五夜月

向老逢清節歸懷託素暉飛螢元失照重露已霑衣
稍稍孤光動沉沉萬籟微不應明白髮似欲勸人歸

胡士彥挽詞二首

晚進遠前輩平生闕異聞吾猶識此老天豈喪斯文

善學家傳業英詞世不群
因應譏尚白官序見揚雲

又

此地來何晚經年見未頻
薦賢仍賭命有道可辭貧
徒弟三千子聲名四十春
襄陽蒼舊內無復姓龐人

後山先生集卷第二

後山先生集卷第三

彭城陳 師道 履常著

茶陵陳 仁子 同甫編校

後學南陽王鴻儒懋學重校

後學彭城 馬暎廷震繡梓

詩

送趙承議

先生隱德世難名
晚見諸孫也自成
潁水向來湏好句
道山今日有宗英
林湖更覺追隨盡
巾帽猶堪語笑傾
勤苦讀書終不補
未湏墻角棄長檠

寄李學士

眼看游舊半東都五歲曾無一紙書平日齊名多早
達莫年同國未情疎稍尋東剎論茲事賴有西方託
後車說與杜郎須着便不應濠上始知魚

雪

初雪已覆地晚風仍積威木鳴端自語鳥起不成飛
寒巷聞驚犬鄰家有夜歸不無慙敗絮未易泣牛衣

晚出

應俗敢辭疾衝風寧小驅聊為一日役不憚百金軀
雪路無行迹冰枝有落烏寒門閉蕭瑟窮里聽戲吁

寄晁載之兄弟

人言婚宦情欲本我始求脫君已半孰知一世如一

夢在夢而覺寧待旦寒暑交兩作秋聲冷屋風燈挑
不明樽前已作十年語後會未期吾屢驚一聞七字
心已識鈎章棘句天與力念子方壯我已衰不見參
天二千尺季也亦有詩百篇叔子擬度驂騑前端能
過我三冬學可復叅儂一味禪

寄荅王直方

人情校徃復屢勉終不近新詩已經年知子不我怨
生世餘幾何天筭日取寸懷祿有遐心從俗無遠韻
時從府中歸數過林下飯平生功名意回作香火願
三年不舉觴吻頻烟火炊豈無兩蒼龍霑我一雨潤
官麓詩未工猛乞無小靳人生如此耳文字已其閏

是身雖臭腐寧作青紫檀永懷忘年友死矣餘令聞
念子頗似之老我何所恨

寄侍讀蘇尚書

六月西湖早得秋二年歸思與遲留一時賓客餘枚
叟在處兒童說細侯經國向來須老手有懷何必到
壺頭遙知丹地開黃卷解記清波沒白鷗

寄亳州林待制

湖海相望闕寄聲雲林過雨未全晴青衫作吏非前
日白首論文笑後生似聽兒童迎五馬稍脩書札問
專城一聞苦李蒙莊句不復人間世後名

卧疾絕句

老裏何堪病再來愁邊不復酒相開一生也作千年
調兩腳猶須萬里回

南軒絕句

少日書林頗著勲莫年貪佛替論文銅鑪瓦枕芒鞋
裏此外惟須對此君

獨坐

文章平日事風竹暮年須衰疾懸知此霜毛不更除
一丘吾欲往百畝有如無魑魅須游子乾坤着腐儒
扣門聞啄木勸酒有提壺門迳無行迹秋來不遣鋤
寄送定州蘇尚書

初聞簡策侍前旒又見衣冠送作州北府時清惟可

飲西山氣爽更宜秋功名不朽聊通袖海道無遠具
一舟枉讀平生三萬卷貂蟬當復自兜鍪

寄荅李方叔

平生經世策寄食不資身孰使文章著能辭轍跡頻
帝城分不入書札詞何人子未知吾懶吾寧覺子貧
智寶院後樓懷胡元茂

晚渡呼舟疾寒城看霧深昏鷗明鳥道風葉亂霜林
父客登樓目中年懷舊心猶須一長笛領覽自霑襟

元日

老境難為節寒稍未得春一官兼利害百慮孰踈親
積雪無歸路扶行有醉人望鄉仍受歲回首望松筠

放懷

施食烏鳶喜持經鳥鼠聽秋菽矜矍矓顧影怪伶俜
問靜行隨月窓虛卧見星擁衾眠未穩艱阻飽曾經
絕句

此生精力盡於詩未歲心存力已疲不共盧王爭出
手却思陶謝與同時

送伯兄赴吏部改官

先子初增秩年侵鬢已皤念兄今善繼此別喜如何
親老家仍困門衰仕未多猶須教兒子早要中文科
寄張文潛

今代張平子雄深次子長名高三俊上官立右螭傍

車笠吾何恨飛騰子莫量時平身早達未用夢凝香

後湖晚坐

水靜備淨一偏明眼城荒可當山青林無限意白鳥有餘閑身致江湖上名成伯季問目隨歸鴈盡坐待莫鷓還

春興

東風作惡不成寒野水穿沙自作灘細草無端留客卧繁枝有意待人看

次韻田山人贈沈東老二首

一杯領意不須沽六字持身已有餘癡子未知天上樂先生今解世間書

後篇屬沈東老

隨世功名非所望稱家豐儉不求餘青衫出指論竒字白髮挑燈寫細書

送孝忠二首

老眼元多淚春風見此行又為貧賤別更覺急難情斗食吾堪老詞場爾向榮未須憐野鷺家法付宣城

又

經史三年學聰明一旦開把文甘潦倒數日待歸來士患聲名早官今歲月催有親須薄祿臨路尚徘徊

以桂一作桂杖一作杖供仁山主二首

錯節孤根勁有餘坐床須按起須扶一生用底今相

贈更問林間有此無

又

洗足投筇只坐禪
厭尋岐路費行纏
老來不復人間事
不用山公更削圓

項城道中寄劉令使修溪橋

老怯危橋泥沒膝
喜聞吾黨政如春
須君不惜千金費
此後寧無我輩人

碓磨寨

以人為食殺為戲
自昔無聞爾所先
信有亡身一言盡
獨能遺臭萬人傳

寄張宣州

與世情將盡懷仁
老未忘故人今五馬
高處謾三長
詩豈江函助名成
沈鮑行肯為文俗事
打鴨起鴛鴦

送倫化主

赤髭白足可憐生
躡蹻擔囊壯此行
要致雪峯年五百
不妨兼識謝宣城

西湖

小徑才容足
寒花只自香
官池下鳧鴈
荒塚上牛羊
有子吾甘老
無家去未量
三年哦五字
草木借輝光

別月華嚴

寓世生同里
隨方去有情
來為百年別
不惜片時程
齋鉢須勤供
經鍾莫倦鳴
當來第三會
此界却逢迎

送吳先生謁惠州蘇副使

聞名欣識面，異好有同功。我亦慙吾子，人誰恕此公。
百年雙白鬢，萬里一秋風。為說任安在，依然一秃翁。

別圓澄禪師

法施老人卧，不出呼我取。別行問疾磨，盤拭勸勸一。
飽少待須臾，莫倉卒。早年着眼覲文字，萬卷初無一。
言契多生綺語，未經懺。半世虛名足為累，此去他來。
尚有緣頭童，虛豁恐無年。懸懃三請，又住世弊惡可。
念未可捐平生，准擬西行計。老着人間此，何意他年。
佛會見頭陀，知是當年老居士。

別觀音山主

離合應生理，過逢豈近緣。情親見今日，語妙記當年。
開戶安禪主，衝風逆水舡。不應清夜月，故作別時圓。

離穎

河市千人聚，寒江百尺牽。吾生能幾日，此地費三年。
叢竹防供爨，池魚已割鮮。拙勤終不補，他日愧無傳。

湖上

湖上難為別，梅梢已着春。林喧鳥啄啄，風過水鱗鱗。
緣有三年畫，情無一日親。白頭厭奔走，何地與為鄰。

舟中二首

惡風橫江江卷浪，黃流湍猛風用壯。疾如萬騎千里，
來氣壓三江五湖。上岸上空荒，火夜明舟中起坐待。

殘更少年行路今頭白不盡還家去國情

又

野火燒原雉昏唯黃塵漲天牛亂聞江間無日不風
波老去何時脫奔走詩書滿腹不及口遮日寧須釣
竿手愧爾茅簷多背人仰目青天搔白首

規禪停雲齋

淨居衆天人宮殿隨所適少仕老不歸重門閉榛棘
道人秀叢林妙語出禪寂是身如浮雲隨處同建立
平生與二子嗜好同一律我此復助緣語綺已多責
何年一把茅據坐孤萃律呵佛罵祖師塗糊千五百
答晁以道

轉走東南復帝城故人相見眼偏明十年作吏仍餽
口兩地為鄰闕寄聲冷眼尚堪看細字白頭寧復要
時名孰知范叔寒如此未覺嚴公有故情

病起

今日秋風裏何鄉一病翁力微須杖起心在與誰同
災疾資千悟寃親併一空百年先得老三敗未為窮
九月九日魏衍見過

節裏能相過談間可解憂致踈君未肯得此我何由
語到君房妙詩同客子游一經從白首萬里有封侯

別黃徐州

姓名曾落薦書中刻畫無鹽自不工一日虛聲滿天

下十年後事得途窮白頭未覺功名晚青眼常蒙今
昔同衰疾又為今日別數行老淚灑西風

次韻答晁無斁

女生願有家名妾以不聘田里亦慕君又惡不由正
欲行不問途已破寧顧甌耕蠶無一屨庖井要三徑
還家憂患餘挽鬢兒女競十年寧有此一寒可無命
平生晁夫子得士公室慶稍無車馬音復作賓客請
論文到韓李念舊說蘇鄭長年斷消息獨語誰和應
此生恩未報他日目不瞑歸卧無好懷扣門有佳聽
詩來霜雪後更覺天宇淨少好老未工持刃授子柄
次韻無斁偶作

肩聳三峯峻眉厖八字橫玄談人絕倒家法句新清
八俊先張子諸公少賈生已傳烏鵲喜欲聽鶴鴒聲
其二

此老三年別何時萬里回更無南去鴈猶見北枝梅
會有哀籠鳥寧湏溺死灰聖朝無棄物與子賦歸哉

古墨行并序

晁無斁有李墨半丸云 裕陵故物也往於秦少
游家見李墨不為文理質如金石亦 裕陵所賜
王平甫所藏者潘谷見之再拜云真廷珪所作也
世惟王四學士有之與此為二矣嗟乎世不之奇
乏識者耳敬為長句率無斁同作

秦郎百好俱第一烏鵲墨丸如漆姿如石巧作松身
與鏡面借美於外非良質潘翁拜跪摩老眼一生再
見三歎息了知至鑒無遁形王家舊物秦家得君今
所有亦其亞伯仲小低猶子姪黃金白壁孰不有古
錦句囊聊可敵睿思殿裏春夜半燈火闌殘歌舞散
自書細字答邊臣萬里風塵入長筭初聞橋山送弓
劍寧知玉筮人間見夜光炎炎衝斗牛會有太史占
星變人生尤物不必有時一過目驚老醜念子何忍
遽磨研少待須臾固不朽魏衍注曰少游之墨嘗許
生嘗語衍作此詩時少明窓淨几風日暖有愁萬斛
將尚無恙然終先逝去才八斗徑須脫帽管城公小試玉堂揮翰手

次韻晁無斁除日述懷

世學違從衆名家最近天感時猶壯志得句起衰年
袁酒無何飲陶琴不具弦平生揮翰手幾見絕韋編
次韻無斁雪後

其二

閑閣春雲薄開門夜雪深江梅猶故意湖鴈起歸心
草潤留餘澤窓明度積陰慙慙報春信屋角有來禽
取性無通介隨時有異同雪餘蓋地白春淺着梢紅
寄食虛長筭魏衍注云時先生寄婦翁郭大論詩闕
近功相看不相棄賴有古人風

贈魏衍三首

妙年文墨秀儒林老眼今晨得再明
歷塊過都聊可待未須回首一長鳴

崔蔡論文不足過新詩平處到陰何
寧須萬戶權輕重不待千篇一已多

敏捷為文筆不休何妨縮手小遲留
名駒已自思千里老子終當讓一頭

贈國寶三首

承家從昔如君少得士於今孰我先
口擬說詩心已解世間快馬不須鞭

往歲黃童嶺今寇君高文要學亦多聞
留年看舉天南翼過目先空冀北群

虎子墮地氣食牛雀兒浴處魚何求
可柰我衰才亦盡正須二子與同游

次韻春懷

老形已具臂膝痛春事無多櫻笋未
敗絮不温生蟻蝨大杯覆酒着塵埃
衰年此日常為客舊國當時只廢臺
河嶺尚堪供極目少年為句未須哀

河上

背水連漁屋橫河架石梁窺巢烏鵲
競過兩艾蒿光鳥語催春事窓明報
夕陽還家慰兒女歸路不應長

題柱并序

永安驛廊東柱有女子題五字云無人解妾心日

夜長如醉妾不是瓊奴意與瓊奴類讀而哀之作
二絕句

桃李催殘風雨春天孫河鼓隔天津主恩不與妍華
盡何限人間失意人

從昔嬋娟多命薄如今歌舞更能詩孰如傲知文雅
河陽令不削瓊奴柱下題

蠅虎

物微趣下世不數隨力捕生得稱虎匿形注目搖兩
股卒然一擊勢莫禦十中失一八九取吻間流血腹
如鼓却行奮臂吾甚武明日淮南作端午

陶朱公廟

千篇奏牘漫多知百戰收功未出奇名下難居身可
辱却將湖海換西施

次韻晁無斁夏雨

咫尺隔山海作書問如何蟻垤既畜糧蛙窟如鳴鼉
積暑復一雨斧斫仍手摩鈎窓欲懸麻出門已橫河
人言月離畢未必致滂沱東臯繁草木蘭艾不同科
驚魚畏密罟獨鳥鳴南柯稍無蟲飛喧復覺蟬語多
因聲作好惡與物殊未和卧聞夜來雨歸種故山禾
百年須下澤萬里付長羅先生斷百好尚以詩作魔
縮子萬言手聽渠七字哦室邇人則遠燕默勞者歌
思君得老瘦觸熱生積疴

寄無斁

敬問晁夫子官池幾許深已應飛鳥下復作卧龍吟
待我中病愈同君把臂臨泥塗無去馬夏木自来禽
次韻別張芸叟
中年為別更堪頻四海為家託一身此別時須問生
死孰知詩力解窮人

宿深明閣

窈窕深明閣晴寒是去年老將災疾至人與歲時遷
默坐元如在孤燈共不眠莫年身萬里賴有故人憐

其二

縹緲金華伯人間第一人劇談連晝夜應俗費精神

時要平安報反愁消息真墻根霜下草又作一番新

東山謁外大父墓

土山宛轉屈蒼龍下有槃槃蓋世翁萬木刺天元自
直叢篁侵道更須東百年富貴今誰見一代功名託
至公少日拊頭斯類我莫年垂淚向西風

次韻晁無斁冬夜見寄

寒窓冷硯欲生塵短枕長衾却自親老子形骸徒薄
暮先生意氣尚青春覆杯不待回丹頰危坐猶能作
直身城郭山林兩無得莫年當復幾露巾

寒夜有懷晁無斁

同好共城郭十日不一顧人事雖好乖吾生亦多忤

閨門對妻子歲月不可度閉目寧用遮停杯仍下筯
獨無區中緣永懷岩下趣平生三徑資安得一朝具
萬里初歷塊前驅告曛暮歸懷屬有思棄世不待怒
老境厭逶遲人情費將護向來張長公吾亦從茲去
燈花頻作喜月色正可步預恐何水曹明朝有新句

除夜

七十已強半所餘能幾何懸知莫景促更覺後生多
遁世名為累留年睡作魔西歸端着便老子不婆婆

寄鄧州杜侍郎紘

南陽老幼如雲屯連日城東候使君後者排前旁捷
出爭先見面作慇懃六年重來已白髮一日再見回

青春道傍過者恠相問共言杜母真吾親使君雖老
心尚壯文采風流諸謝上名家從昔杜陵人盛德于
今丈人行我昔卧病老彭城畫船鳴鼓千里行致書
饋奠初未識丁寧勞苦如平生人言此事今未有古
人中求還得否忘年屈勢不虛辱公自一作取為德吾
何取菊潭之水甘且潔潭上秋花照山白請公酌此
壽百年奕奕長為此邦伯孰先一州後四方重金疊
蓋登廟堂請從今日至雲來月三十斛輸洛陽

寄提刑李學士

石渠金馬青雲上東里西門濟水邊上冢過家真樂
事平時持節貴當年成家舊學諸儒問脫手新詩萬

口傳范叔一寒今若此相逢猶得故人憐

寄杜擇之杜寄惠近詩

詩家兩杜昔無鄰文采風流傳一作雜世有人疾置送詩
驚老醜坐曹得句自清新興來不假江山助日過潭
如草木春農馬智專吾不讓衡陽紙貴子能頻

次韻晁無斁春懷

城郭朝陽散積陰郊原注目日青深年衰鷗鷺如今
是夢斷邯鄲何處尋語鵲飛鳥春稍稍重簾深院晚
沉沉不辭杖屨衝泥雪未有瓊琚報好音

寄晁無斁

稍聽春鳥語丁寧又見官池出斷冰雪後踏青誰與

共花間着語老猶能笑談莫倦尋常聽山院終同一
再登今日已知他日恨搶榆况得及飛騰

別寶講主

此地相逢晚他方有勝緣呪功先服猛戒力得扶顛
暫息三支論重參二祖禪趙州臨濟皆曹人也夜沐鞋脚別何
日着行纏

還里

曠士愛吾廬遊子悲故鄉慷慨四方志老衰但悲傷
虛名自成誤失得略相當莫年還家樂未覺道路長
閭里喜我來車馬塞康莊爭前借言色草木亦晶光
向來千人聚一老獨徜徉手開南陽阡松栢鬱蒼蒼

永願守一丘脫身萬里航平生功名念倒海浣我腸
款段引下澤斷弦更空觴尚恐北山南有文移路傍
荅魏衍黃預勉余作詩

我詩淺短子貢墻衆目俯視無留藏句中有眼黃別
駕洗滌煩熱生清涼人言我語勝黃語扶堅夜燎齊
朝光三年不見萬里外安得一身置汝傍邇來諸子
復秀發曾未幾見加端章刺欲摧藏讓頭角豈是有
意群兒傷於人無怨我何憾愛者尚衆猶吾鄉平生
不自解朝誚禍來亦復非周防我衰氣索不自振正
賴好語能恢張詩家小魏新有聲舊傳秀句西里黃
後生學行闕師友臨路不進空迴遑看君事業青雲

上聽渠螟騰生膏盲

老栢并序

勝果院後庭有栢見之二十年矣踈瘦如故余寓
其舍數以水溉之遂有生意

庭栢無生意摧殘二十秋稍霑杯水潤已與歲寒謀
黃裏青青出愁邊稍稍瘳會看笙鶴下暮雀莫深投
其二

英姿帶枯槁勁節闕和柔物理有興壞人情成去留
稍看棲鳥集聊待晚風秋解道庭前栢何曾識趙州
其三

歲月那能記風霜亦飽經槁乾仍故節潤澤出新青

色與江波共聲留靜夜聽輝輝垂重露點點綴流螢
魏衍見過

暑雨不作涼爽風祇自高我老亦衰疾柰此正鬱陶
魏侯有新語高處近風騷隱几聆五字未覺歷日勞
灑然墮冰井起粟豎寒毛三山已在目萬象誰能逃
歷險見絕足過口味豚膏願為夏雷鳴莫作飢鳥號

次韻螢火

年侵觀物化共被歲時催熠熠孤光動翩翩度水來
稍能穿幔入已復受風回投卷吾衰矣微吟子壯哉

次韻夏日江村

漏屋簷生菌臨江樹作門捲簾通燕子織竹護鷓鴣孫

歲伎子問乾坤
何夕微風一作涼進相違故意存汗垢一作何當如我

次韻觀月

風雲隨落日河漢欲回天
簾疎分細細江淨共娟娟他日吾何適聽詩說去年

次韻夏日

江上雙峯一草堂門闌心靜自清涼詩書發冢功名
薄麋鹿同群歲月長句裏江山隨指顧舌端幽眇致
張皇莫歎九尺鬚眉白解醉佳人錦瑟傍

夏夜有懷

卧念張居士逃名老石根學詩端得瘦識字即空樽

鳴笛夜宜遠燈花曉更繁未須哀老子也復守丘園

送杜擇之

兩父論詩伯仲間去思今識謝家安曠懷亦苦中年
別歸翼仍愁行路難四壁未堪風雨夕百圍已試雪
霜寒欲逃富貴疑無地千丈竿頭試手看

揚夫人挽詞晁無咎母

初說南奔道路長湖邊丹旆已飛揚百年積慶鍾連
璧十念收功到淨方絳幔一作未經親宋母綠衣猶
記識黃裳欲圖不朽須詮載今代誰堪著石章

桓山

平江如抱貫秦洪雙嶺馳來欲並雄是物皆為萬世

計闔棺猶有一朝窮林巒特起終有汗美惡千年竟
不空尚有風流羊叔子稍經滌洗與清風有東坡
記刻石

答顏生

煩君臨問我何堪剩欲從君十日談老退不應稱敏
捷顏蒼寧復借紅酣世間公器無多取句裏宗風却
飽參陋巷遠孫還好學未容光祿擅東南

送劉主簿義仲字壯與

平生師友豫章公矻矻談君口不空半面相看吾已
了連城增價子何窮三千秦牘諸儒上四百菴寮一
歲中二父風流皆可繼謗禪排道不須同

觸目

溪響飢魚食川明柱影斜驚禽穿密竹噪鵲立浮查
谷暗山藏雨林喧雀啅蛇鄉間等行路何處一作更
為家

晚望

黑雲映黃槐更着白鳥度蟬鳴不餘力蛙腹能許怒
稱目有佳思側徑無好步興來成獨往意得誰與賦

送高推官

先生鍾舊德大府冠群能過手無難事逢人有異稱
薦賢餘一鶚夙記契千燈看挽秦梁纜頭頭數不勝

和黃預感秋

宿雲護朝霜秋陽佐殘暑蠅癡驅後來汗下拭莫禦

庭梧自黃墮風過成夜語幸是可憐生胡然遽如許

黃生多新詩如盆一作盎蘭抽緒唱高難款乃雋永得

咬咀意合無古今投暗有迎拒名成弟子韓價重先

生褚向來得斯人孰謂予齟齬晚炊鄰僧米晝捨狙

公芋甘酸皆適口霜黃一作盡未登俎門有曲逆車謗

甚北山女寧為溝中斷不作太倉鼠老退無好懷續

明然兩炬搔首不成眠寒蟲促機杼

和顏生同遊南山

竹杖芒鞋取次行琳琅觸目路人驚當年此日仍為
客病目今來喜再明筋力尚堪供是事登臨那得總
無情已知名世徒為爾可復緣渠太瘦生

僧慧僧和同往南山

驥騮同群鴻鴈行登臨端為作重陽南臺二謝風流
絕準擬歸來古錦囊

栢

用直寧論世名成不待官低枝綠我有偃蓋到誰看
秀色有新故英姿無暑寒要為千歲計豈慮萬牛難

謝端硯

王家舊物群偷後石出蠻溪百丈深揮翰吾非玉堂
手斷金君有古人心

捕狼

一狼將四子二嶺走千羊意得無前敵時乖闕後防

寧知射生手已發努機張會使烏鳶飽空令豺虎傷

和魏衍元夜同登黃樓

車馬競清夜人物秀三楚登臨得免俗茲樓豈時睹
同來兩稚子冠者亦四五落落俱可人頗亦厭歌鼓
山月出未高潛鱗動寒渚檣燈接稀星奪目粲不數
魏侯轉物手百好趨就叙得句未肯吐秀氣出眉宇
水淨納行影山空吞脩語夜氣稍侵肌鳥駭去其侶
清游豈有極喜事戒多取投靜未免喧于今豈非古
永懷寂寞人南北忘在所橫嶺限魚鳥作書欲誰與
情生文自哀意動足復佇憑楹一作盤共一默望舒已
侵午

和元夜

笳鼓喧燈市車輿避火城彭黃彭祖樓爭地勝汴泗
道人清梅柳春猶淡關山月正一作明賦詩隨落筆
端復可憐生

和魏衍同遊阻風

舊說東風末世情不應作意斷人行絕須一怒催新
句更可多憂促短生勝日着忙端取怪妙年得此未
須驚懸知出處非吾事已復星河爛熳晴

和魏衍同登快哉亭

經時不出此同臨小徑新摧草舊侵欲傍江山看日
落不堪花鳥已春深來牛去馬中年眼朗月清風萬

里心故着連峯當極目回看幽徑遶雙林

登快哉亭

城與清江曲泉流亂石間夕陽初隱地暮藹已依山
度鳥欲何向奔雲亦自閑登臨興不盡稚子故須還

招黃魏二姓

出門不雨即遇風閉門值睡極力攻似聞湯鼎作吟
聲已賀勝敵收全功却思二子共一笑撥棄舊語無
新工卒行好步不兩得能致公等吾何窮魏詩黃筆
今未有顧我獨得神所鍾徑須相就踏泥潦已辦煮
餅澆油葱

後山先生集卷第三

後山先生集卷第四

詩

春夜

宿鳥一枝足爭林終日鳴庭花當戶發江月向人明
鳥度清溪影風回晚市聲夢中無好語池草為誰生

和三日

苦遭年少強追陪病眼看花更覆杯夾岸萬人傾國

彭城陳師道履常著

茶陵陳仁子同甫編校

後學南陽王鴻儒懋學重校

後學彭城馬敏廷震繡梓

出清江一注兩山開遊人欲盡驚鷗下晚日猶須惡
兩催更恐明年有離別折花臨水共徘徊

登燕子樓

綠暗連村柳紅明委地花盡梁初着燕廢沼已鳴蛙
鷗沒輕春水舟橫着淺沙相逢千歲語猶說一枝花

和魏衍三日

林花女頰紅春水瓜頭綠步蹇我三休來同君一足
苦嗟所歷小不盡千里日暮景向昏鴉歸塗取脩竹

其二

堤沙泥盡未及塵江波不動風生紋虎頭魚尾不知
數朱旗一點來奔雲春容已老有餘態被楔雖古無

前聞踏青摸石脩祕祝落日帶雨催行人聽詩對月
兩不厭頗覺過日徒紛紛君不見天寶杜陵翁屈宋
才堪作近鄰

答魏衍惠朱櫻

開門先得故人書稍喜提携起覆盃得句有誰知我
在嘗新此日賴吾徒傾藍的皜霑朝露出袖熒煌得
寶珠會薦瑛盤驚一座莫賜蒸口未良圖

和魏衍聞鶯

春力着人朝睡重葉底黃鸝鳴自送綠幕朱欄日觀
明回廊側戶風簾動昨夜春回到寒谷好鳥飛來把
脩竹整翰厲霜初一鳴已落君詩專妙獨退紅着綠

春事殘後時獨立知何言側聽不盡已飛去懷抱此時誰與論

和黃充實春盡遊南山

逐勝缺勇功饒春無少色出門欲何向坂九隨所擊
百年餘幾何十步復一息同來二三子楚楚頗脩飭
行前強老夫徑捷疲峻陟山門開烟霏禪房閉岑寂
口燥沾茗枕兀兀此為德逐日下西山草路荒不識
回溪轉鈎曲門徑入繩直故人喜領客內愧積腸臆
所來為親舊掃除稱寥閼疾風無末勢過雨有餘瀝
高花初欲然平荷已如拭因君感衰盛醜好移頃刻
交新厭區區話舊聽歷歷談間十一二四座已傾側

茅屋漏

一作

風霜山田帶沙礫尚能表以老舉手觸

四塞君

如澗底松超拔出天壁學詩有新功黃魏共

推激

生與魏共

棟花

密葉已成蔭高花初著枝幽香不自好寒艷未多知
會見垂金彈聊容折紫綵粉身非所恨猶復得聞思
和黃充實石榴花

春去花隨盡紅榴暖欲然後時何所恨處獨不祈憐
葉葉自相偶重重夕更鮮流珠沾暑雨改色淡朝烟
着子專寒酒移根擅化權愧非無價手刻畫竟難傳
和黃充實大雨

甲子仍逢夏運朝兩脚垂黑雲玄甲駐鐵騎冷官馳
映日還蒙霧戀麻却散絲頽墻通犬豕破柱出蛟螭
野澗風光秀涼生枕席宜撥雲開日月巽井出虹蜺
貧可留須捷息當記交犀蒼頭行胷雨赤脚出衝泥
詩好聲生叻書工手着肌衰年得佳句懷抱頓能移

和黃預病起

似聞藥病已投機牛鬪蛇妖頓覺非李賀固知當得
疾沈侯可更不勝衣鷲邊白壁山千仞會見黃金帶
十圍只信詩書端作崇敦知糠覈亦能肥

何郎中出示黃公草書四首

龍蛇起伏筆無前江漢淵回語更妍好事元須一賞

足藏家不必萬人傳

此詩以字有誰知書省即官自岷竒罪天從來身萬

里政成今有一作見麥三岐

四海聲名何水曹新詩舊德自相高一官早要稱三

字二鬢一作誰教着兩毛

當年關里與論詩晚歲江山斷夢思妙手不為平世

用高懷猶有故人知

和黃預感懷

壁立無堪佐子貧謾修簡牒效慙懃起臨月鏡看生
意取向晴簷共白雲逸氣不應供潦倒劇談脫或致
紛紜但令蘇晉禪妨醉不患何山病破葦

陳留市隱者有引

陳留人物後疑有隱屠耕斯人豈其徒滿腹一杯羹
婷婷小家子與翁同醉醒薄暮行且歌問之諱姓名
子豈達者歟槁竹聊一鳴老生何所因稍稍聲過情
閑門十日雨吟作飢鳥聲詩書工發家刀籥得養生
飛走不同穴孔突不暇黔一作聖有不暇

寄秦州曾侍郎肇

八年門第故遠離千里河山費夢思淮海風濤流一作
真有道麟麟圖書豈無時今朝有客傳河尹是處逢
人說項斯三徑未成心已具世間惟有白鷗知

荅顏生見寄

闕然車馬不聞音行路艱危已備更問舍求田真得
計臨流據石有餘清江山滿目開新卷常杜諸人得
細評閑處着身容我老忙中見記識君情

和黃頰七夕

盈盈一水不斯須經歲相過自作一作自踈坐待翔禽
報佳會徑須飛雨洗香車超騰水部陳篇上收拾愚
溪作賦餘信有神仙足官府我寧辛苦守殘書

贈鄭戶部

十載歸來遼海東江山如舊里間空時平未覺身難
遇學贍依然說不窮着繡畫行真細事下車磬折得
深衷聖朝未有徐州相刺作功名跨數公世稱青州相僕州

李相而吾州自開國至今
才有劉李二公為執政爾

九日不出魏衍見過

九日登臨迫閉藏老懷無限自淒涼
山頭落帽風流絕壁面稱詩語笑香
謝詩山有二衝雨肯來尋以老拂

是日無菊

送魏衍移沛

積雨斷行路重江未安流胡為冒艱險
迫以帛米謀歲晏風作橫未寬為子憂
卒然託異縣所得如所求主人如古人
待士禮亦優人情樂新知豈不懷舊立
我貧無四壁愛爾胡能留子也尚不容
吾代諸公差

勿云百里遠已作千山愁念子捨我去
誰復從我遊諸石吾未識因子卜可不
能以已可尚一作終焉致
網繆

送河間呂令子固甥

今日中牟令當年太守孫獨能憐以老
肯避席為門寒日風濤壯邊城簿領繁
平生子曾子白首得重論
次韻何子溫祈晴

夜半風回雨脚收萬家和氣與雲遊
一作蕭條寒巷荒三徑突兀晴空聳二樓
勝日登臨輕一醉下鄉昏
整肯同憂江空峽響魚龍冷
一作落盡放青青極目秋

其二

九虎當關信不傳，燒烟才上已回天。驅除霧雨還朝
一作日畜縮濤波復二川奪目光華開秀句堆塲藁
晴，一作日畜縮濤波復二川奪目光華開秀句堆塲藁
積驗豐年從今更上中和頌，少費將軍九萬錢。

寄潭州張芸叟

湖嶺一都會，西南更上游。秋盤堆鴨脚，春味薦猫頭。
宣室來何暮，蒸池得借留。一作借留孰知為郡樂莫作越
鄉憂

去國如前日，為邦得舊游。霜柑先落手，春鴈幾回頭。
只道風沙惡，寧知賈宋留。賦詩真有助，弔古不同憂。

送曹秀才

甲第衣冠後，東遷歲月侵。情親期一諾，急病闕千金。

孰並還家樂，毋忘在莒心。時能記衰病，聲迹到雲林。

送王元均貶衡州兼寄元龍

先生英氣蓋區中，命與仇謀得老窮。又見長身有家
法，可辭短簿怒吾公。石頭路滑行能速，宣室歸來語
未終。宛洛風塵莫回首，直須留眼送歸鴻。

其二

先生秀句滿天東，二子緣渠再得窮。詩禮尚來堪發
冢，孫劉能使不為公。炎方瘴癘避軒豁，故國山河開
始終。傳語元龍要相識，江湖春動有來鴻。元龍亦

杜侍郎挽詞

義政真吾母，名家更杜陵。于張從昔少，魯衛至今稱。

絲竹中年好詞華夙世能周南棠棣傳平世幾人登
其二

驥駟方懷遠松筠忽有秋羅容名士數終始法家流
凜凜驚千載堂堂閱一丘能令羊季子不肯過西州
其三

身去風流在人難玉石分平生才一見治行已多聞
更覺知音少還修地下文他年九原淚仍是兩馮君

黃預挽詞

敏慧仍江夏風流更妙年貧焚酒家券病得里胥錢
精爽來鷹隼清明瀉澗灑無兒傳素業有淚徹黃泉
其一

骨秀神仙數詩清雅頌才識高懸日月韻勝絕塵埃
去就堪同事摧殘盡一哀了知天上去不似世間來

其三

志大期千里身宜置一丘英詞真蓋世爽氣已橫秋
地要黃金骨天成白玉樓平生斲泥手斤斧恐長休

其四

玉筋凝潮後絲桐藝業餘遠途憎早悟曠度得中踈
子逝今何遽吾生孰與居豈無文士傳未有茂陵書

秋懷

積雨不受暑既晴還得秋未免困河魚寧如喘吳牛
風梧有先聲巢燕無後留人生行樂爾一經今白頭

其二

小雨斷復續，田斜落晚風。寒心生蟋蟀，秋色傍梧桐。
草與遙山碧，花欺晚照紅。口頭談世事，目已失飛鴻。

其三

山斷開平野，河回殺急流。登臨須向夕，風雨更宜秋。
急急後飛鴈，翩翩不下鷗。晚舟猶小待，莫雀已深投。

其四

梨埒當千戶，魚防擁萬頭。寧須一網盡，不為百人留。
密雨點急水，驚風擘繫舟。百年供轉徙，因病得夷猶。

送法寶禪師

平生夫鐵脚，道價喧宇宙。望禮東南雲，吾今獨何後。

晚始識其子，瑤林一枝秀。初聞飲光笑，復作空生瘦。
今年退後禪，袖手不肯又。真成菩薩魔，未免化城咎。
白月懸清光，大鐘得辭扣。知止一何勇，隨緣豈無復。
豐臺兩禪子，三請期一覲。翩然挈鉢盂，百里往相就。
古寺風雨餘，觸目初邂逅。夙昔有淨緣，歡然宛如舊。
教我早自異業成，誰得救世故。已備嘗躊躇，復何候。
鑽火勿停手，時來自渠透。慙慙禮白足，吾為泰山溜。

贈趙奉議

為惠不必廣，但問與者誰。受施何用多，名義以為資。
平生師友間，四海參寥師。一窮無四壁，百代有千詩。
再逐越淮江，三年魯中歸。初無贊公色，不異淨名衣。

才如得風鷁已復觸藩抵路貧誰肯憐語妙君所知
我往立談間欸若白受緇乃知仁者聽不待辛苦詞
趙侯名教士勁氣噴長霓論吐天下公而合吾所私
明窓弄文墨妍語含英姿要與識者論且避群兒癡
舊好無新功終年此交綏未須堅百戰當即建降旗
元日雪

半夜風如許平明雪皓然簾疎穿瑣細竹壓更嬋娟
窘兔走留迹飢鳥鳴乞憐遙忻炎海上還復得新年

其二

度臘闕三白開正還積陰炊烟茅舍濕噪雀暮枝深
短髮千方誤中年萬里心成書着巖穴或有後人尋

闕三白作

次韻黃生

入竹投窓夜有聲似遠殘臘作初正三更爽氣侵危
坐萬里回風逼發生呵筆小吟撩我老閉門高卧見
君情只今剩作驚人句頗覺吟邊意未平

荅黃生

冰泥斷道雪塞門遠坊累日無行人卧聞喧呼誰叫
閣稚子往問鹿駭奔黃生學詩用角一作力新急手疾
口如翻盆衝風踏凍送七言要令寒屋回春温是時
積陰又黃昏叫鬧索火驚四鄰邇來結字穩且勻豈
不見我參寥君嗟吾老矣心尚存後來得子空馬群

徑須赤手縛麒麟
四海水一口吞
丈夫意氣抗浮雲
道逢其人兩手分
如婦拊膺王右軍

雪後

送往開新雪又晴
故留臘白待春青
稍回松色伸梅怨
併得朝看與夜聽
已覺庭泥生馬鳥一作迹遽修田
事帶朝星莫年功力歸
持律不是騷人故獨醒

送張蘄縣

接祿才餘歲為邦
近故園案圖三萬戶
鎮靜五千言
雪盡春泥滑風生沙水昏
猶須放琴客坐席稍能溫

送何子溫移亳州

治出龍城守名高
水部郎清明人共識
風味獨難忘

骨立秦書瘦鬚粘
檜蜜香烹鮮師老耳
曳尾肯蒙莊

其二

青衿曾誦賦皓首始登門
意得寧論晚心交不待言
向來期北上可復改南轅
嘗請湖越而得喜盡地數佳政叢

談何處村

其三

復作中年別仍懷後日憂
關山遮極目汴泗只東流
政好遭頻借詩清得暗投
會看靈壽杖扶出富民侯

送詹司業

學舍論交二十年
白頭相對固依然
才難孰為吾君惜
果滿寧容我輩先
熟路長驅聊緩步
百全一發不

虛弦故懷未盡還成別飽慣人間不更憐

西郊

紅綠相催春事闌可能無意待人看不因送客那能
出衰病經年一據鞍

攢眉斂目抵風沙暗度城西十里花歷肆側聽長短
向綠溪斜着兩三家

寄亳州何郎中

西南日下共浮雲人事離群喜勸分已度城陰先得
句不應後俗未忘葦松篁有節元宜晚桃李無蹊只
自薰欲入帝城須帝力且尋詩社著詩勳

其二

西原追送未成句赫赫傳聲已迫人剩欲鈔詩寄來
使尚能拂席致嘉賓孰知簡易歸劉向誰使循良作
寇恂他日入東專一壑少留餘地許為鄰

寄荅泰州曾侍郎

千里馳詩慰別離詩來吟詠轉悲思靜中取適庸非
計林下相從會有時生理只今那得說交情從昔見
於斯含毫欲下還休去懷抱何由得細知

送提刑李學士移使東路

襟抱從前相向開倡酬于此未多陪身更寵辱談彌
勝路別東西意自哀隱几忘言終不近白頭青簡兩
相催孰知衰老難為別聲問應須續續來

和鄭戶部寶集文室

遠遊遊則遠安心心已安茅茨更何事一坐五年寬
客來問法要示以無所還勿云空生默聽者不勝言

其二

貴有空王章貧無置錫地衝風窓自語浣壁蟲成字
向隅有知音闔門接強對只道庭前栢西來本無意

隱者郊居

高齋繚繞度雙溝老氣軒昂蓋九州不為江山開悒
快正綠風味得淹留招携好客供談笑拚補新詩擬
獻酬小摘自鋤菘菜甲旁觀虛作不堪憂

覽勝亭

斷岸通橫水吹花滿繫船中年擅幽獨輟食買林泉
草木真宜主江山故作妍升沉有流轉且復賦歸田
何大冲挽詞

課最三川守名成萬石君平生欠一識聲烈即多聞
堦率真歸處琴臺只斷雲傷心今夜月忍便到初墳
其二

哀挽諸儒競豐碑故吏繁素車紛兩泣丹旒與風翻
幾地留遺愛他年作九原涕流耆舊盡不獨為鄉園

送大兄兼寄趙團練

貧有分離苦官無早晚宜又為千里別未覺十年遲
日與江山遠風連草木悲平生劉子政見可只一作共

論詩

寄襄州程大夫

中年為吏晚專城不獨身榮府亦榮江漢風流見羊
杜相門經術有常平十年一別音書絕萬里相看骨
肉情今代龐公入城府定將懸榻與逢迎

送檢法趙奉議

三歲公門不屢過作牋時得問如何及茲去去翻為
恨向使常常肯謂多勇銳閑房猶着酒切深疾惡反
傷和贈言竊取仁人號善聽君居長者科

送建州鄭戶部

清江畫舸照新晴鏡鼓喧喧聒市鳴昔日布衣今着

繡他年鶴化只空城還朝不待三年最得郡何妨萬
里行歲祿二千親八十世間誰有此時榮

送張秀才

學又三年積功收一日長擅場推老手附尾得續一作
諸郎度鳥界晴碧過雲田夕黃孰知詩有驗莫愠路
無糧

後山先生集卷第四

後山先生集卷第五

彭城陳師道 履常著

茶陵陳仁子 同甫編校

後學南陽王鴻儒 林學重校

後學彭城馬暉 廷震繡梓

詩

晁無咎畫山水扇

前身一作阮始華今代王摩詰 偃屈蓋代氣萬里入

方尺朽老詩作妙險絕天與力 君不見杜陵老翁語

湘娥增悲真宰泣

奉陪趙大夫遊廬山

後水喧江落渾黃晚雲障日作微涼笙歌聲裏旌旗
動羅綺叢中語笑香勸相秋郊開稔熟摩挲苔壁弔
荒古風流一代今山簡有底尊前着葛強

寄曹州晁大夫

東者千騎貴當年白髮居頭也自賢肯費精神修容
主稍回功譽入章篇虛名不救空飢一作賜已晚歲仍
遭未疾纏死去不為天下惜鏡中當有故人憐

送馮翊朱令

三楚風流信有人先聲今已徹咸秦寧為鷄口官無
小欲試牛刀又要新細助卧沙勤下筋長芒刺眼莫
露脣山西一作西州豪傑知吾老為說猶堪舉萬鈞

嗟哉行

張生服石為石奴下潦上乾如渴鳥一朝償贖須人
扶伏毒未動風出虛此生所得與昔殊韓子作志還
自屠白笑未竟人復吁以身濟欲未必愚欲久而速
反所圖嗟哉偉然二大夫

夜句

過雨作秋清歸雲放月明入簾搖竹影塞耳落洪聲

其二

老樹仍孤秀秋蟾只獨明何須夜來雨却聽枕前聲

其三

短短長長柳三三五五星斷雲當極目不盡遠峯青

送孝忠落解南歸峽忠殆

妙年失手未須恨白璧深藏可自妍短髮我今能種
種晚粧他日看娟娟千金市帚寧論價萬戶分封信
有年清白傳家有如此歸途寒盡不留錢

寄單州張朝請

平生天上張公子尚記門間半面人聲烈與風來不
盡音書無使去難頻一言悞主心猶壯百巧成窮髮
自新聞說監河收貸粟定傾東海活窮鱗

謝憲基趙史惠米

平生忍欲今忍貧閉口逢人不少陳俸薄身清趙都
史也能作意向詩人

和趙大夫鹿鳴燕集

趙侯詩律近風騷雅意推賢答聖朝鴻雁着行過渭
水鳳凰覽德下虞韶三千著籍今為盛九萬論程不
作遥不讀世書談世事卧看君自致青霄

和朱智叔鹿鳴席上

三楚風流秀士林英詞從昔動脩門充庭初識蒼龍
礎賜醴行霑白獸樽已上薦書輕一鶚更憑詩力化
群鯤千年遼鶴空城郭誰見朱公有異孫漢大司空
朱浮蕭人

酬智叔見贈

老去斯文不更論却因夫子話師門清談不待傾三

語勝日何知共一樽
逐北我方填坎井
圖南誰得料
鵬鯤過逢為說侯
芭在卧楫生衣犢
有孫

再酬

鄉里衣冠不絕人
近天尺五只清門
論文正可簪雙
筆澆舌行看賜上
樽瓊玖每蒙先木
李烟鳩方共笑
飛鯤固知賢傑當
傳世下里朱陳亦
有孫

敬酬智叔三賜之辱兼戲楊理曹二首

龍爭虎據竟成塵
只有青樓與白門

青樓謂燕

令宰

才高先得句使君情重數開樽
江山故國難留鶴科
斗荒池可着鯤直使領鬚渾
作白未應投鐏愧諸孫

智叔有歎
白髮詩歎

險韻瘦詞費討論
真持布鼓過雷門
更看九日臺頭
句未用三人月下樽
鏡裏黃花明白髮
海邊赤脚踏
長鯤從來相戒莫打鴨
可打鴛鴦最後孫

酬智叔見戲

百念皆空習尚存
稍脩香火踏空門
槌腰摩腹非春
事割愛投閑覆上樽
白髮情多猶可染

來詩有白髮之歎

駭

其二

雨花風葉未宜春
私柳官渠白下門
每度清溪朝短
髮時容使席近芳樽
雄蜂雌蝶元非偶
野馬遊塵不
佐鯤若許成功當封賞

制席上請看子子與孫孫

送智叔令咸平

二謝將能事重陽只故臺固須衝節去便恐帶秋回
敏捷才無盡鋪張意有開猶須記衰疾書與鴈同來

九月九日夜雨留智叔

騎臺九日登臨處只有歸人醉扶路千年二謝孰可
代我每苦留君只去花粗且為前人惜曲誤不辭丞
卿怒只消着帽受西風不待風流到新句

九月九日與智叔鵬堂宴集夜歸

鵬堂後昔有惡客酒盡不去仍復索欲留歌舞盡客
音嵐雨和更作三厄佳夜難得客更難我窮無酒為
君歡只欲泥行過白下萬一簾疎見一斑

城南夜歸寄趙大夫

書生作意一斑足杜陵據鞍兩眼寒風雨喚人歸去
好免教街吏報平安

戲寇君二首

杜老秋來眼更寒寒驢無復逐金鞍南鄰却有新歌
舞借與詩人一面看

南鄰歌舞隔牆聽想對朝窓暈倒青莫望喚人看媯
娜只憑幽夢寄丁寧

絕句四首

秋床歸卧不緣愁病與衰謀作老仇數樹直青能爾
瘦一軒殘照為誰留

芒鞋竹杖最關身散髮披衣不待人
三兩作鄰堪共話五千挿架未為貧

昏昏嗜睡元非病續續題詩不耐閑
作意買山還得笑多方拔白却成斑

書當快意讀易盡客有可人期不來
世事相違每如此好懷百歲幾回開

騎驢二首

復作騎驢不跨驢此生斷酒未須扶
獨無錦里驚人句也得梁園畫作圖

衝籬突市不逡巡掠面驚風撲眼塵
出手推敲寧避尹題門吟詠不逢人

壽安縣君挽詞

兩大推平日王從播後聲憂勤登上壽
簫鼓閉佳城總布千人從松楸十里行
哀榮動鄰里點筆競諸生

寄曹州晁大夫

墮絮隨風花作塵黃樓桃李不成春
只今容有名駒子困倚闌干一欠伸

寄題披雲樓

使君高會荅清秋增飾披雲作勝遊
九日再逢堪一笑終朝百過更深憂
落霞孤鶩知才盡踈雨微雲怯語道
賓主縱賢終少在只今未可壓黃樓

絕句

木搖電繞雷取龍伏蛙號蚓海瀆空黑雲黃槐度白
鳥映日急雨回斜風

寄黃充

俗子推不去可人費招呼世事每如此我生亦何娛
黃生後來秀純茂靜者徒不見動經月來亦不須更
人事已好乖可復自作踈子雖向人懶勝處不可孤
迨此田事休仍當秋寒一作雨餘深知阻泥濘步履意
何如

寄張大夫

只應青眼老尚記白頭翁一別今何向三年信不通
不應書字倦未有北來鴻肯作彭城守何時馬首東

懷遠

任淵注云此詩屬東坡

海外三年謫天南萬里行生前只為累身後更須名
未有平安報空懷故舊情斯人有如此無復涕縱橫

荅田生

酒亦有何好人今未肯忘苟無愁可解何必醉為鄉
賸欲論竒字終能諱秘方直饒肌骨秀正要畫眉長

早起

鄰雞接響作三鳴殘點連聲殺五更寒氣挾霜侵敗
絮賓鴻將子度微明有家無食惟一作高枕百巧千
窮只短檠翰墨日踈身日遠世間安得尚虛名

和黃充小雪

度臘侵春亦未遲紛紛款款意猶微
露衣帶潤元無見着物還消不待晞
賸欲打牕連夜聽未須迷鴈斷
行飛老來才盡無新語只欲煩君
急手揮帶潤一作濕

寄張學士舜民

湖海三年別譙徐一日間經時猶未見
凡事信多艱理極那須說情生不自還
後來闕聲問相見若為顏

謝趙使君送烏薪

欲落未落雪近人將盡不盡冬壓春風
枝冰瓦有去鳥遠坊窮巷無來人忽聞
叩門聲遽速驚雞透籬犬升屋使君傳
教賜薪炭妓圍那解思寒谷老身曲直
不足云冷窓凍壁作春温定知和氣家家
到不獨先

生雪塞門一作蕭

雪中寄魏衍

薄薄初凝眼輝輝已映空融泥還結凍
落木復沾叢意在千山表情生一念中
遙知吟榻上不道絮因風

送澶州錄曹宋參軍

宦遊男子事訪別故人情能吏于今少
春風及此行英雄餘戰伐狂獄守廉平
未肯輕衰疾人來關寄聲

和范教授同遊桓山

送客尋山已自仙行談坐笑復忘年
平郊走馬斜陽裏破屋傳杯積水邊
洗壁留名題歲月一作題名登
高着句記山川風流幕下諸公子縮手
吟邊更覺賢

早春

度臘不成雪迎年遽得春水開還舊綠魚喜躍脩鱗
柳及年年發愁隨日日新老懷吾自異不是故違人

徐僊書

徐清字靜之蓬萊女官也下西里王氏詩作謝體
書效黃魯直妍妙可喜故作三絕句

蓬壺仙子補天手筆妙詩清萬世功肯學黃家元祐
脚信知人厄匪天窮

詩成已作客兒語筆下還為魯直書豈是神仙未賢
聖不隨時事向久踈

金華牧羊小家子西真攘桃何代兒講着海山書落

瓜向來何那

一作

免世人疑

寄酬咸平朱宣德

智叔

冥冥超世網蔚蔚秀儒林他日熟看面今時初得心
白頭無故意異代有同音短綆徒施巧終然莫汲深
咸平讀書堂

昔人三百篇善世已有餘後生守章句不足供嘖嘖
一登吏部選筆硯隨掃除閉閣畫眉嫵隔屋聞歌呼
奉公用漢律寧復要詩書俛首出跨下枉此七尺軀
今代陶朱公不作大梁屠計然特未用意得輕全吳
為邦得畿縣政密自計踈寧書下下考不奉急急符
用意簿領外築室課典謨平生五千卷還舍不問塗

近事更漢唐稍以詩自娛復作無事飲醉卧擁青奴
桃李春事繁軒窓晝景舒鳴屋鳩渴雨窺簾燕哺雛
休吏散篇帙風篁獻笙竽聽然一啓齒斯民免為魚
絕句二首

里中餽杏得嘗新馬上逢花始見春勤苦著書如此
吏世間枉是最閑人

密密丹房疊疊花一枝臨路為人斜丁寧語鳥傳春
意白下門東第幾家

春懷示鄰里

斷墻着雨蝸成字老屋無僧燕作家刺欲出門追語
笑却嫌歸鬢着塵沙風翻蛛網開三面雷動蜂窠趁

兩衙屢失南鄰春事約只今容有未開花

歸鴈

孤矢千夫志瀟湘萬里秋寧為寶箏柱肯作置書郵
遠道勤相喚羈懷誤作愁聊寬稻梁意寧復網羅憂
其二

作計肯懷早為生去住頗固違陰嶺雪不盡洞庭春
巧作斜行字催歸去國人知時如有信決起亦相親
和寇十一晚登白門

重門傑觀屹相望表裏山河自一方小市張燈歸意
動輕衫當戶晚風長孤臣白首逢新政遊子青春見
故鄉富貴本非吾輩事江湖安得更相忘

謝冠十一惠端硯

百工營材先利器市道居貨如作贅書生活計亦酸
寒斷博半瓦寧求備端溪四山下龍淵鬱積中州清
淑氣金聲玉骨石為容河江屈流雲作使滑如女膚
色馬肝夜半神光際天地諸天散花百神喜知有聖
人當出世沒人投深索千丈探頷適遭龍伯睡轆轤
挽出萬人負千歲之藏一朝致琢為時樣供翰墨十
襲包藏百金貴北行萬里更衆目冠卿好事不計費
南鄰居士卿之孫豐悴相從不為異似憐陶瓦磨竈
煤輟贈不減前人志人言寒士莫作事鬼奪客偷天
破碎龜玉輻匱與無同錦衾還客棄佳惠衆所欲得
當有緣天獨於余可無意敢書細字注魚蟲要傳華
嚴八千偈

再和冠十一 二首

南山樓觀插穹蒼林杪青燈出上方形勝自如諸老
逝功名隨盡二流長馬游從昔哀吾老王粲當年賦
異鄉少日幻心今淨盡多生綺語未全忘

其二

與世相遠孰自量資身無策謾多方逢場作戲真呈
拙誤筆成蠅豈所長名字不歸青史筆形容終老白
雲鄉何可一作湏五斗輕千里賴有斯人未肯忘

與冠趙約丁塘看花冠以疾不赴有詩次其韻

早年學苦斷過後晚歲逢春意未窮欲共元劉爭着
語不堪姚魏已隨風坐無上客席虛左贈有英詞囊
不空障日長須釣竿手歸來無計駐青驄

和寇十一同遊城南阻雨還登寺山

雨阻遊南步泥留逐北情稍看飛霧斷復作遠山橫
野潤膏新澤樓明納晚晴歸宜有佳思紗帽壓香英
三月廿二日榴花盛開戲作

五月榴花忽見春白頭喜遇一番新可能略不解春
意只有尋枝摘葉人

和寇十一雨後登樓

秀嶺歸雲裏華譙夕照中登臨初終一作不數吟笑近

多同麥秀知春力人和驗歲豐豫為逃暑約一快楚
臺風

答寇十一惠朱櫻

故人憐一老輟食寄三山厚味非貧具先嘗愧客閒
甘酸俱可口衰白不宜顏句妙那能繼情深未覺慳

雙櫻

並蒂隨宜好連心一作意紅只堪驚老眼持此與

誰同

謝趙生惠芍藥三首

郁郁芬芬十里香紅紅白白數枝春要將結習惱鶯
子送與毗耶彼上人

從微至老走風塵喜見鄉園第四春
獨舞東風醉西子政緣無語却宜人
九十風光次第分天憐獨得殿殘春
一枝賸欲簪雙鬢未有人間第一人

寄鄰

借子翩翩果下駒春原隨處小踟躕
可能多背春風裏卧把青銅摘領鬚

寄寇十一

鄰里相望信不通時因得句寄匆匆
盡樓著燕春風裏揚柳藏鴉白下東
度日守窓鷲節換經旬無使車門空
錦囊佳麗鄰徐庾勝欲同君賦惱公

和酬魏衍

闕然聲問略相同百里之間一水通
春興多多高紙價離懷一一逐歸鴻
不憂寒餓成吾老稍喜朝廷記此公
夢每見君心已了不因新句覺情東

觸目

果下翩翩跨紫騮踏花濺水見風流
可無雙壁千金聚付與狂兒取次遊

元符三年七月蒙恩復除棣學喜而成詩

老作諸侯客貧為一飽謀折腰真耐辱
捧檄敢輕投早作千年調中懷萬斛愁
莫年隨手盡心事許溟鷗送姚先生歸宜山

鄭公龍變不容親猶有先生不絕塵

鄭乃復見也

其一

老逢熙運乞前官病遇先生得內丹一飽有期吾事了千年不死後人看

其二

宇定心清面發丹下床投杖覺輕安此身已許壺立子他日爭尋靖長官

上趙使君

老氣崢嶸蓋九州治聲騰涌逐雙流向來置醴蒙殊遇此日彈冠愧少留千里山連環故國中秋月好傍

黃樓不應為米缺鄉里定復還從馬少游

送鄭祠部

持節還家未白頭有親八十更何求又隨急詔朝天去不為寒鄉盡歲留四着儒冠甘送老數經奇運得銷憂擬登碣石臨朝日浩蕩滄溟沒白鷗

席上勸客酒

稍聞襟抱使心寬大放酒腸須盡乾珠簾十里城南道肯作當年小杜看

後山先生集卷第五

